

唐寫文選集注殘本

司馬長卿

漢興七十有八載德茂存乎六

世

李善曰六世謂武帝也鈔曰言漢興已來經時七十八年也六世謂高惠

也

文景武并呂后為六世也李周翰曰茂盛也

威武紛紜湛

恩汪濊

張揖曰汪濊深白也鈔曰紜紜盛白也汪濊深廣言天子

恩深也音次湛音沉汪為黃及濺
焉外及張銑曰湛厚汪廣濺深也

群

生霑濡洋溢乎方外

鈔曰言國家
威武湛恩所

被廣遠天下羣類莫不霑潤又洋溢普
洽通于四方之外也張銑曰群生百姓
也濡潤也洋溢流出與方外遠方
也陸善經曰洋溢方外言多也

於

是乃命使西征隨涼而攘風之

所被罔不披靡

鈔曰為有羌夷之屬而不賓奉於是乃命

使西征隨涼而攘除之顏監曰攘却退言隨其涼俗而却退之風謂國家之風所被皆靡也音決使所吏及下同攘而羊反被皮義反披普蟻反呂向曰使自謂也涼行攘却風教罔無也被靡從化貞

因朝舟從駝

定竿存耶

服虔曰舟駝耶竿蜀郡西部也應邵曰蜀郡岷

江本舟駝也鈔曰張捐曰舟駝西夷大
國五之類也文穎曰邛者亦為邛都縣
竿者今為定竿縣皆屬越舊郡音次朝
直遙反駝音尤笙音昨邛其龍反呂向
曰朝從定存
謂招慰得也
俞本俞國名也服虔曰邕滿夷種也鈔
曰文穎曰斯榆今屬益州郡為縣音次
斯以例反
榆以朱反
結軌還轅東鄉將報

略斯榆舉邕滿

張捐曰斯

李善曰楚辭曰結余軻于西山王逸曰結旋也鈔曰張捐曰結屈也服虔云軌轍也廣雅以為軌跡也報謂還報天子也音次嚮許高反呂延濟曰軌車也還軻謂將還東歸以報命也陸善經曰結軌旋車其轍如結也

至于

蜀都耆老大夫縉紳先生之

徒廿有十人儼然造焉辭畢

進曰

鈔曰造至也辭畢謂初謁見之

姓名也

音決造七到及劉良曰縉紳謂

衣冠也

先生有德之稱儼然恭肅貞畢

竟

也蓋聞天子之牧夷狄也其

義羈縻勿絕而已

李善曰應劭漢官儀曰馬曰羈

牛曰縻言四夷如馬牛之受羈縻也鈔曰察案廣雅羈縻係也顏師古曰羈馬

絡頭也。籠牛倒也。云牽制之。牧取為喻。但羈縻之不令絕。而不頓取之。劉良曰。牧養也。羈縻謂以繩索絆繫而已。此皆父老問使之詞也。今罷三

郡之士通夜郎之塗三年於

茲而功不竟

鈔曰文穎曰夜郎牂柯縣也三郡當時郡耳不

詳其名又云巴蜀廣漢等是音決

罷音皮李周翰曰三郡三蜀也

士卒

勞倦萬民不瞻今又接之以西
夷百姓力屈恐不能卒業此亦
使者之累也竊為左右患之

曰鈔

屈盡也卒終也業事也音決屈其勿
反累力瑞反為干偽反下同李周翰
曰夜郎縣名瞻足也言通夜郎未竟
今又續西夷之事恐百姓力屈不能

終其事業亦使者罪累也

且夫邛

左右侍者相敬之辭也

竿西夷之與中國並也歷年

茲多不可記已

李善曰孟子曰禹之相舜歷年多鈔曰文

類曰西懸槌為縣名也已記終之詞言邛

竿西夷各自一國與中國並立其來自久

不可記之音決竿在

仁者不以德

洛及今案鈔夷為懸

來強者不以力并意者其殆不

可乎

李善曰不可猶不堪也以其不堪
為人故棄之而不并也鈔曰言往

古帝王雖有仁德不能招來之雖有強力
不能并吞之以其險遠理不可也音決強
其良友張銑曰前王後帝強者不并仁者
不懷意者耆老自也言殆近也不可乎謂
不可

用也今割三民以附夷狄弊所

恃從事無用鄙人固陋不識所

謂

李善曰附謂令之親附也
並人已見鍾士季檄蜀文鈔曰張捐曰
齊中也

又曰淮南云編戶齊民堪所
怡恃即中國之人無用謂西南
夷也呂向曰附近也言

割中國之人以事無用夷狄也
鄙人

耆老自謂固陋謙辭所謂所說也

使

者曰焉謂此乎必若所云則是

蜀不變服而巳不化俗也

應劭曰
巴蜀皆

古蠻夷也推結左衽左言之人鈔曰焉
於何也使言我比言巴蜀與中國通
今日巴蜀作此言是未變俗也呂延濟
曰使者對父老安謂此乎言所說非也
巴蜀皆椎髻左衽若如
父老之言則不當變易

僕常惡聞

若說然斯事體大固非觀者之

所覲也

鈔曰尚猶也若如此言僕猶
惡聞如之說況乎遠識之人

覲見也言此通南夷之事大事非汝

觀者所能見也音決惡為故及覲古

候反劉良曰惡聞若說謂父老所說

也斯此也今案鈔常為尚陸善經本

無常

余之行急其詳不可得聞

字

已請為大夫粗陳其略

李善曰孟
子曰其詳

不可得聞嘗聞其略矣韋昭曰粗猶略也
鈔曰言行程急速不暇為汝詳言之已語
辭粗猶麤麤也音決粗在古反劉良曰余相
如自謂也言我行急不得審議為父老粗
略而陳之
謂下事

蓋世必有非常之人然

後有非常之事有非常之事
然後有非常之功非常者固常

人之所異也故曰非常之先黎

民懼焉

張揖曰非常之事其本難知衆民懼也李善曰尚書曰黎

民故變時雍鈔曰常人見之以爲異也故曰非常之人始能爲非常之事也元始也音決元或爲先非李周翰曰非常人聖人也原本也言立聖人之切本則衆人見而懼焉陸善經曰非常之初變易法制故人懼也今案五家本先爲原

及臻厥成天下晏如也

鈔曰晏安也張銑曰

臻至也及至其成則天

下衆人皆安之也

昔者洪水

沸出汜濫衍溢

張揖曰濫溢也郭璞三蒼解詁曰濫

水聲也字林迅寸反李善曰古漢書為
溢出今漢書為衍溢也音決濫昔混及
又出寸反呂向曰洪大也言昔者大水
沸出謂堯時也汜濫衍溢大水也